

Dabo te in lucem gentium, ut sit salus mea.

Léctio libri Isaíæ prophétæ

49, 3. 5-6

³ **D**ixit mihi Dóminus:
«Servus meus es tu,
Israel, in quo gloriábor».

[4]

⁵ Et nunc dicit Dóminus,
qui formávit me ex útero servum sibi,
ut redúcerem Iacob ad eum,
et Israel ei congregarétur;
et glorificátus sum in óculis Dómini,
et Deus meus factus est fortitúdo mea.

⁶ Et dixit:
«Parum est ut sis mihi servus
ad suscitándas tribus Iacob
et relíquias Israel reducéndas:
dabo te in lucem géntium,
ut sit salus mea usque ad extrémum terræ».

Verbum Dómini.